

Klub zastupnica_ka Naša stranka
Zastupnički dom Parlamenta Federacije BiH
Sarajevo, 05.03.2021.

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO x8

Primljeno: 05-03-2021			
Org. jed.	Broj	Priloga	Vrijednost
01	-02-	683	21

Dostaviti:
BOSNA I HERCEGOVINA
FEDERACIJA BOSNE I HERCEGOVINE
Zastupnički dom Parlamenta Federacije BiH
n/r Predsjedavajući Mirsad Zaimović

Uputiti:
Vlada Federacije BiH

Poštovani,
Na osnovu članova 11, 163, 172. i 179. Poslovnika Zastupničkog doma Parlamenta Federacije Bosne i Hercegovine („Službene novine Federacije BiH“, broj 69/07 i 2/08), Vladi FBiH, upućujem **Prijedlog Zakona o izmjenama i dopunama Zakona o Vladi Federacije Bosne i Hercegovine** "Službene novine Federacije BiH", br. 1/94, 8/95, 58/02, 19/03, 2/06 i 8/06, u nastavku teksta: *Zakon*.

Član 1.

Iza člana 5. dodaje se novi član 5a., koji glasi:

„Član 5a.

Izrazi, koji su radi preglednosti dati u jednom gramatičkom rodu u ovom zakonu, bez diskriminacije se odnose i na muškarce i na žene“.

Član 2.

Iz člana 6. zakonu se dodaje novi član 6a. koji glasi:

- „(1) Sastav zamjenika Premijera/Predsjednika Vlade Federacije Bosne i Hercegovine će, u toku cijelog mandata, odražavati ravnopravnu zastupljenost oba spola.
- (2) Ukupni sastav Vlade Federacije će, u toku cijelog mandata, odražavati ravnopravnu zastupljenost spolova. Ravnopravnom zastupljenosti oba spola smatrat će se sastav Vlade Federacije u koji je imenovano najmanje 40% osoba manje zastupljenog spola.

(3) Premijer/predsjednik Vlade Federacije neće na odlučivanje Predstavničkom domu Parlamenta Federacije dostaviti listu za imenovanja Vlade Federacije koja ne odražava ravnopravnu zastupljenost oba spola.

(4) Predstavnički dom Parlamenta Federacije neće razmatrati imenovanje Vlade Federacije Bosne i Hercegovine čiji predloženi sastav ne odražava ravnopravnu zastupljenost oba spola.“

Član 3.

Iza člana 22. dodaje se novi član 23. koji glasi:

„Član 23.

Odredbe člana 6a. primjenivaće se počevši od imenovanja Vlade Federacije Bosne i Hercegovine nakon Općih izbora u Bosni i Hercegovini 2022. godine.“

Član 4.

Ovaj zakon stupa na snagu danom objavljivanja u «Službenim novinama Federacije BiH».

Broj:

_____. godine

Sarajevo

Predsjedavajući
Predstavničkog doma
Parlamenta Federacije BiH

Predsjedavajući
Doma naroda
Parlamenta Federacije BiH

I - USTAVNI OSNOV

Ustavni osnov za donošenje ovog zakona sadržan je u odjeljku IV, dio 5. Član 20 st. (1) tačka d), Ustava Federacije Bosne i Hercegovine, prema kojima Parlament Federacije nadležan za donošenje zakona o vršenju funkcija federalne vlasti.

II – RAZLOZI ZA DONOŠENJE

Predloženim zakonom vrši se izmjena i dopune Zakona o Vladi Kantona Sarajevo radi obaveze njegovog usaglašavanja sa Zakonom o ravnopravnosti spolova u Bosni i Hercegovini ("Službeni glasnik BiH" broj 32/10), odnosno sa članom 32. stav (2) Zakona, kojim je propisana obaveza usklađivanja svih državnih i entitetskih zakona kao i drugih odgovarajući propisa s odredbama ovog Zakona.

III – OBRAZLOŽENJE PREDLOŽENIH PRAVNIH RJEŠENJA

Član 1: Ovim članom se definira da se svi izrazi navedeni u jednom gramatičkom rodu odnose na muški i ženski rod.

Član 2: Ovim članom propisana je kvota za ukupan sastav Vlade Federacije Bosne i Hercegovine, od najmanje 40% osoba oba spola, kao posebna mjera zbog konstantne podzastupljenosti žena na pozicijama ministrica. Ova mjera bi imala privremeni karakter do ostvarivanja stvarne ravnopravne zastupljenosti žena u Vijeću ministara, kada bi ista bila ukinuta. Također, ovim članom se obavezuju mandatarci da Predstavničkom domu dostavljaju listu imena-prijedloga ministara i ministrica koja odražava ravnopravnu zastupljenost oba spola te reguliše postupanje Predstavničkog doma ukoliko dobije listu prijedloga koja ne odražava ravnopravnu zastupljenost oba spola.

Član 3. Ovim članom definira se početak primjene ovog Prijedloga.

Član 4. Ovim članom definira se datum stupanja na snagu ovog Prijedloga.

IV – FINANSIJSKA SREDSTVA

Za provođenje ovog zakona nije potrebno osigurati dodatna sredstva u Budžetu Federacije Bosne i Hercegovine.

Aktuelni tekst


Član 6.

Vladu čine: Premijer/Predsjednik Vlade Federacije koji ima dva zamjenika, iz različitih konstitutivnih naroda koji se biraju iz reda ministara i ministri.

Vlada Federacije se sastoji od osam ministara iz reda bošnjačkog, pet ministara iz reda hrvatskog i tri ministra iz reda srpskog naroda. Jednog ministra iz reda ostalih može imenovati Premijer/Predsjednik Vlade iz kvote najbrojnijeg konstitutivnog naroda.

Nakon potpune provedbe Aneksa 7. Općeg okvirnog sporazuma za mir u Bosni i Hercegovini najmanje 15% članova Vlade Federacije mora biti iz jednog konstitutivnog naroda. Najmanje

35% članova Vlade mora biti iz dva konstitutivna naroda. Jedan član Vlade mora biti iz reda ostalih.

Handwritten signature of Sabina Čudić in black ink.

Predsjednica Kluba zastupnika _ca Naše stranke
Sabina Čudić